

萬曆起居注

北京大學出版社

22,257

(7)

15

萬曆起居注



55666



FA94/26

封面提字：陶俊山

封面设计：周永喜 高立明 何景贤

万历起居注（全九册）

北京大学出版社出版发行

北京大学图书馆文献部印刷

1988年10月第一版 1988年北京第一次印刷

787×1092毫米 1/16

印数：1—200册

ISBN 7—301—00612—8/K·041

定价：



出版说明

这次正式影印出版的《万历起居注》是迄今存世的最早的起居注。起居注由来已久，先秦史官的职责就是记录帝王言行，「君举必书」。汉代始有起居注名称，汉武帝时有所谓《禁中起居注》，东汉时有《明帝起居注》。北魏孝文帝太和十四年（490年）第一次设立起居令史之官，另有修起居注、监起居注等官，专门记录皇帝言行、朝政大事，起居注制度逐渐完善起来，至明清历代相沿仿效。明朝中期一度中断，但到万历时又恢复了起居注制度，今存《万历起居注》即当时记录的传抄本，也是清代以前历代仅存的较完备的起居注。

起居注是历代王朝修实录与正史的主要依据。由于起居注是皇帝近侍史官原始记录，史料不仅具有原始性，而且也更具有真实性，是一朝的大事记录。所记不仅包括皇帝言行，而且广泛记录一代政务活动、财政经济、政治制度、国典朝章、官吏任免、军事活动、历史事件、民族关系等等，记事不厌其详。然而，明清以前，正史修成，起居注、实录便付之一炬，不留一字，唯恐泄露其中秘密。明清实录幸被保留，而起居注则不免毁灭

厄运，今存《万历起居注》、《康熙起居注》等，实在是凤毛麟角。

《万历起居注》虽系旧抄本，仍为海内稀见秘笈。据千顷堂、澹生堂书目载为二十卷，今本不分卷，当非一本。这次出版的《万历起居注》是北京大学图书馆所藏明末清初抄本，民国抄本补配而成，是今本中最完整、记事最多的一个本子，其中元年的记事部分，为北大馆独家所有。今天，这部起居注第一次影印公诸于世，为明史研究又提供了大量稀见史料，这无疑是海内外社会科学学者和广大读者盼望已久的福音。对于各学校、研究单位、公共图书馆来说，它也具有永久的保存价值。

北京大学出版社一九八八年七月十五日

萬曆二十三年正月甲戌朔大學士趙志昇張綏
陳于陞沈一貫題恭遇元旦令節禮當慶賀奉
旨傳免竊念臣等備身輔弼受恩深厚與在選
諸臣不同犬馬私衷不能自己臣等謹于今日恭詣
會極門行五拜三叩頭禮稱祝聖壽以少伸臣
子慶忭之誠謹具題以聞是日以正旦令節
頒賜四輔臣上尊珍饌
三日丙子
勅吏部都察院今朝親考察之期爾部院表率百僚
甄別賢否明示黜陟此我祖宗法古圖治之盛典
也遵行已久比年以來考察之後群言籍籍有慮直

自持任怨任勞者或被抑屈貪黷無耻浮躁歸非者
附和結納以致是非淆亂人無勸懲於是紀綱日頽
士風日壞近來有等不守循良浮躁的專挾制人之
術風尚屬託假公營私凡事附和甚無公直爾部院
再行申飭如有此等及早鄙庸劣之徒昏夜乞哀及
有許茂楫之肆行醜儀的尔部院體訪得實即時指
名奏來重加治罪不饒欽哉故諭

十七日庚寅大學士趙志臯張位陳于陞沈一貫
題今早文書官徐守福傳出 聖諭 諭內閣 朕
思昨者倭使小西飛等奉表入京今^已許久若該部
從厚禮待以體懷柔遠人之意不得從常忽畧卿等

可傳示知悉諭卿等知欽此臣等恭捧莊誦仰見
皇上 仁覆萬邦 恩沾夷使真古帝王不遺遠人
之至意也臣等當即謄寫傳示禮兵二部遵行 發
下 聖諭尊嚴閣中謹具題以 聞

二十日癸巳太子太保禮部尚書文淵閣大學士
趙志昇等 題昨該臣等看閱章奏內刑部等衙門
一本為糾劾事擬于二十三日請 皇上御朝舉大
班糾劾之典臣等竊惟朝 覲考察之典在吏部固
奉此以揚 明命討官邪而肅吏治在來朝官負亦
藉此以瞻 闕庭稟 德意而致之于民者今考察
既畢去留已奉 明旨但其問去者固有所懲而留

者猶皆待罪所司面加糾劾而 皇上因大需 德音以 訓誨之則 精意流通 恩威昭著而來朝 官負亦有所躬承親受以布告其吏民是 皇上一 臨御之項所關係甚大也若三年一舉萬里遠來而 不獲一快覩 天顏以去則羣心之願望無得而慰 四海之精神無由而通 皇上夙宵圖治惓惓為民 之心亦無由而達于天下矣臣等伏望 皇上俯從 下請率由舊章至日 特御 大朝暫時延見或照 近日 諭旨令鴻臚寺簡省起數不至久勞 聖躬 庶 天光臨照百司洗濯以承風 天語播宣九有 歡騰而被澤矣臣等不勝祈願懇切之至謹具題以

聞

二十二日乙未

諭內閣朕覽卿等奏請朕御門朕知道了且朕意欲以糾劾朝覲諸司之日御門但朕近來動火兩耳重聽頭眩不奈久勞既卿等懇請朕于是日力疾御門卿等可傳示鴻臚寺起數照昨者減省諭卿等知

二十三日丙申

上視朝三法司科道糾劾朝覲官員上曰你每說的是且都饒這遭着回去用心供職未來的行文與他每知道

二十四日丁酉太子太保禮部尚書兼文淵閣大

學士趙志臯等題詹事府缺官掌印推得吏部左侍郎兼翰林院侍讀學士劉元震相應管理乞下吏部將劉元震以原官如舊令其不妨經筵日講并正史副總裁原務掌管該府印信二十五日奉旨是吏部知道

二十八日辛丑太子太保禮部尚書兼文淵閣大學士趙志臯等題該吏部奉開送庶吉士鄒廷彥係萬曆二十年進士改庶吉士於翰林院讀書二十一年十二月養病回籍二十三年正月病痊到部行移到院臣等查得同科庶吉士王象節等俱已奏除翰林科道官彼時廷彥未蒙除授今臣等覆考得

本官才識疏通堪任諫職乞 勅下吏部查有六科
給事中員缺將鄒廷彥除補供職奉 旨是吏部知
道

二十九日壬寅大學士趙志臯張位陳于陞沈一
貫 題今日恭遇 聖母仁聖懿安康靜皇太后
萬壽聖節奉 旨免朝臣等備負輔弼受 恩深重
與外廷諸臣不同犬馬之忱不能自己謹赴 會極
門行五拜三叩頭禮以少伸 祝頌之誠謹具題
知 是日以 聖母仁聖懿安康靜皇太后 萬壽
聖節 頒賜四輔臣上尊珍饌

萬曆二十三年二月甲辰朔以祭三皇于景
惠殿收回祭設頒賜四輔臣三卓
二日乙巳禮部尚書兼東閣大學士陳于陞為恭
效愚忠披陳時政之要懇乞聖明采納以光治理
事臣一介謏陋誤蒙殊眷拔之稠衆之中寘諸輔
弼之列仰惟聖神在上耆碩在前日兢兢焉祇承
休德勉奉規隨自可因事納忠豈必露章言事但
伏念我皇上躬親政務總攬乾綱一時衆正登
庸天工無曠斯亦千載盛際已而中外人心猶未翕
然稱愜以為至尊拱晉畫有日隔之踈忠直沉
淹泰茅無彙拔之望頃雖冬春之內兩遇臨朝銓

曹之請已荷 批荅而海寓之拭目延首方甚切也
又近年來吏治墮窳 國用匱乏邊陲多警武備未
修政事之體似尚有一二當亟為釐飭者臣誠黥劣
不敢自謂識達時宜可以救弊補化而叨備腹心荷
恩深重一念耿耿樸忠懷之願久輒敢不自揣量
條為六事進 獻蒙 留神聽納仍 勅所司斟酌
議行即萬分有一足以增光 日月之明裨益太平
之治亦臣所以報 國恩而甬 主知之職分也臣
無任惓惓悚惕之至 計開 一接見大臣竊惟我
皇上以神明剛斷臨照臣工世務洞知 主威獨
運而年來疑議橫生綱紀未振者祇緣 九重之靜

攝既久 大廷之警蹕稀傳是以宮府內外意氣阻
於泰交百司庶寮玩愒成於積習耳臣自蒙 恩擢
在秘閣每聞 穆清之上章奏不輟覽宴誓不恒御
特需 諭旨諮問政機 藻翰之批決如神情隱之
照燭如火仰見 宸憲憂勞未嘗頃刻暫弛昨冬恭
遇 臨朝受賀 召見臣等俯垂 清問廷臣莫不
相顧色喜日者四方計吏雲集 闕下復 俞臣等
之請 御門引見 親渙玉音交戟之內歡聲雷動
以 聖心之兢業臣等既得於親承 聖躬之疆固
廷臣又得以快覩則 朝講秩節似宜次第修舉矣
乃 皇上猶若未肯致行之者。意者 加意頤神以

深居簡出為攝衛之常事。臣覽書無逸篇首述殷三宗周文王之壽考。皆以憂勤惕厲得之。蓋人久靜而時動則血脈流通。暫逸而常勞則肌膚堅實。語云戶樞不蠹。流水不腐。斯葆生之善喻也。假令久習安處。始雖暫適。而更致血氣結滯。喜怒失平。迺續休和之道。似不在是。儻謂國家法嚴令具。夫既或治之。有不妨。垂拱責成者。此又不然。天下雖大。譬則一身。君者中心。臣者四體。人必心之精神融貫於肌體。百骸間而後身乃無素患。若精神有一處之不到。則手足雖持行。不能矯健。耳目雖視聽。不能聰明。今時之勢。天下雖文貌備存。而寔多頽靡不振之處。其病正

類于此。此自非明主勵精率先於上。曷以興明作之治哉。又或謂本朝履祚享年之永無若肅皇帝自十七八年後。齋居決事稀。御大廷。此無為致理之明徵。可仰法也。此亦不然。皇祖雖久處邃嚴。而宵旰靡暇。太阿獨操。每有大政令。必密劄輔臣。商確再四。或遇軍機。中夜傳奏。立賜批荅。用是人心悚警。莫敢玩視。然至末年。尚未免柄。臣用事貪黷成風。夷虜深侵。邊務壞弛。則亦以倦勤之故。美業稍遜耳。況今事勢。劬物力。凋耗十倍當時。而又可以宴然自逸耶。夫主上深拱不出。則人臣雖抱忠猷。石畫不獲伸。造膝之談。政事雖奉。獨斷親裁。莫能杜